



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), i Prijedloga odluke gradonačelnika broj: 02-01.2-000250/10 od 12. marta 2010. godine, Skupština Brčko distrikta BiH, na 22. redovnoj sjednici održanoj 17. marta 2010. godine, donosi

ODLUKU O USVAJANJU AMANDMANA NA BUDŽET BRČKO DISTRIKTA BiH ZA 2010. GODINU

Član 1

(1) U Budžetu Brčko distrikta BiH za 2010. godinu, vrši se povećanje finansiranja iz viška prihoda nad rashodima iz ranijih godina (sredstva iz Kapitalnog budžeta 2009. godine) u iznosu od **370.000,00 KM**, tako da će ukupno finansiranje iz viška prihoda nad rashodima za 2010. godinu iznositi **8.262.368,30 KM**.

(2) Iznos od 370.000,00 KM se odnosi na:

(a) Brisanje pozicije usvojene Kapitalnim budžetom za 2009. godinu na organizacionom kodu 139 – Boračko-invalidska zaštita i civilne žrtve rata (Odjeljenja za zdravstvo i ostale usluge), ekonomski kod 821200 – Nabavka građevina u iznosu od **320.000,00 KM**, kapitalni projekt „Izgradnja spomenika ARBiH 110.000,00 KM, izgradnja spomenika HVO 110.000,00 KM i uređenje prostora oko spomenika i prateći troškovi za spomenik srpskim braniocima Brčkog 100.000,00 KM“ i

(b) Smanjenje Kapitalnog budžeta za 2009. godinu na organizacionom kodu 393 – Sektor za održavanje (Ured za upravljanje javnom imovinom), ekonomski kod 821600 – Rekonstrukcija i investiciono održavanje, u iznosu od **50.000,00 KM** na kapitalnom projektu „Uređenje prostora oko spomenika i prateći troškovi za spomen-obilježja u Brčkom“ (3x25.000,00 KM).

(3) Projekt iz Kapitalnog budžeta za 2009. godinu „Uređenje prostora oko spomenika i prateći troškovi za spomen-obilježja u Brčkom“ (3x25.000,00 KM) u preostalom iznosu od 25.000,00 KM, mijenja naziv u projekt „Uređenje prostora oko spomenika i prateći troškovi za spomen-obilježje civilnim žrtvama rata“.

(4) Ukupan Budžet za 2010. godinu iznosit će **203.917.638,30 KM**.

Član 2

Sredstva iz člana 1 ove odluke se raspoređuju u Budžet za 2010. godinu na organizacioni kod 19010001 – Služba za administraciju i statistiku Odjeljenja, (Odjeljenje

za zdravstvo i ostale usluge), na ekonomski kod 614300 – Grantovi neprofitnim organizacijama, na ime:

- (a) Grant Udruženju građana „Da se ne zaboravi“ u iznosu od **135.000,00 KM** i to na ime granta za izgradnju spomenika Armiji BiH u iznosu od 110.000,00 KM i granta za uređenje prostora oko spomenika i prateći troškovi za održavanje spomenika u iznosu od 25.000,00 KM;
- (b) Grant Udruzi obitelji poginulih i nestalih hrvatskih branitelja Ravne Brčko u iznosu od **135.000,00 KM** i to na ime granta za izgradnju spomenika HVO u iznosu od 110.000,00 KM i granta za uređenje prostora oko spomenika i prateći troškovi za održavanje spomenika u iznosu od 25.000,00 KM;
- (c) Grant Udruženju veterana boračke organizacije RS-a Brčko distrikta BiH u iznosu od **100.000,00 KM** na ime granta za uređenje prostora oko spomenika i prateći troškovi za spomenik srpskim braniocima Brčkog.

Član 3

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -204/10
Brčko, 17. marta 2010. godine

PREDSJEDNIK
SKUPŠTINE BRČKO DISTRIKTA BiH

Mirsad Đapo, dipl. pravnik

Dostavljeno:

1. Predsjedniku
2. Potpredsjedniku
3. Gradonačelniku
4. Direkciji za finansije
5. Sekretarijatu Vlade – Sektoru za opće poslove
6. Sekretarijatu Vlade – Sektoru za pravne poslove
7. Arhivi